

四庫全書

史部

欽定四庫全書

史部

皇朝文獻通考卷一百三十三

府丞臣龔駿文覆勘

總校官中書臣孫溶

欽定四庫全書

皇朝文獻通考卷一百三十五

五禮考

冊立

冊封附

臣等謹按納后之禮著於春秋臨軒冊命載於後

漢志東晉升平初講求納后禮儀始詳唐開元禮
有納后及冊命皇后儀後世多採用之馬端臨以
納后冊后禮儀附見帝系考今據

本朝會典通禮所述

大婚

冊立之儀載於王禮考而

冊封

妃

嬪儀注以次附見焉

崇德元年四月

冊立中宮嫡妃為

皇后是日設黃幄於

清寧宮前設黃案於幄內王公百官朝服序立

崇政殿前

太宗文皇帝御殿閱冊寶

命正副使持節至

清寧宮宣讀

冊文行

冊立禮禮成正副使持節復命

皇后率公主王妃命婦於

太宗文皇帝殿前行六肅三跪三拜禮諸

妃率公主王妃命婦詣

中宮行六肅三跪三拜禮

上御殿諸王大臣進滿洲蒙古漢字三種表文次第宣讀

行慶賀禮

賜王公百官宴

順治八年八月戊午

冊立科爾沁卓禮克圖親王吳克善女為

皇后行大婚禮前期題定

大婚納採用馬十匹玲瓏鞍十副甲冑十副緞百疋布二

百疋金茶筒一銀盆一大徵用金二百兩銀萬兩

金茶筒一金盆一銀桶一銀茶筒一銀盆一緞千

疋布二千疋馬二十匹玲瓏鞍二十副馱甲二十

副常甲三十副

賜后父母金百兩銀五千兩緞五百疋布千疋金茶筒一

銀桶一銀盆一上等鍍金玲瓏鞍二副常等玲瓏
鞍二副漆鞍二副馬六匹冬夏朝衣各一襲冬夏
衣各一襲貂裘各一領上等玲瓏帶一刀一撒袋
一副弓矢具甲冑一副

大婚前一日遣官一人祭告

天

地

太廟屆日質明設

皇后儀仗於卓禮克圖親王邸設黃案一於院中一於東側以受

冊寶蓋置中黃案

大駕鹵簿全設

太和殿前設黃案一於

殿中置

冊寶綵亭二於

太和門外階下內院禮部官俱朝服以次捧

冊寶由中道入置

殿中黃案上

上朝服出御太和殿視

冊寶畢內院官捧

冊寶授冊封使臣使臣跪受自

殿中由中道捧出禮部官前導至

太和門外置

冊寶於綵亭校尉舉綵亭

冊亭在前

寶亭在後由

協和門出詣

皇后卽是日先遣兩親王奏請

皇太后至位育宮

皇太后乘輦出宮設儀仗作樂至

協和門儀仗停止

皇太后輦由中道入

上出宮步迎至

太和門內

皇太后由太和殿入宮冊封使臣既至

皇后邸卓禮克圖親王等朝服出迎置

冊寶綵亭於門外

皇后同母妃及格格等朝服迎於院中序立內院禮部官

捧

冊寶由中道入置東側黃案上讀冊內院官於東側西向

立讀

冊寶文畢以

冊寶授女官二女官跪受獻

皇后

皇后跪受授侍立女官跪受置中黃案上

皇后興望

闕行六肅三跪三叩禮畢

皇后升輦女官捧

冊寶蓋仍置綵亭內儀仗鼓樂前導至

協和門儀仗停止二女官捧

冊寶前行

皇后輦由中道入至

太和殿階下

皇后降輦由中道入宮和碩親王以下有頂帶官員以上

朝服集朝會所固倫公主和碩福晉以下一品命

婦以上悉集宮內已刻禮部堂官奏請

上御中和殿多羅郡王以上於

太和殿階上立多羅貝勒階下立固山貝子以下有
頂帶官員以上俱於

太和殿丹陛內排立

上率諸王入宮於

皇太后前行三跪九叩禮畢

上復御中和殿諸王出立殿外階上

皇后率諸王妃朝見

皇太后行六肅三跪三叩禮畢還宮諸王妃入侍

皇太后

上出御太和殿賜諸王及察哈爾額駙阿布鼐親王土謝

圖親王卓禮克圖親王等並貝勒文武羣臣宴畢

上回宮

皇太后乘輦還宮

上送至

太和門內乃還次日

御太和殿諸王貝勒文武羣臣上表行慶賀禮

頒詔天下

詔曰朕惟聖化始於二南作配協鳳鳴之盛天庥垂於萬
世于歸廣麟趾之祥正位中宮勤宣風教朕纘承鴻緒
祇荷丕基慎擇淑儀覃延後嗣邇者

昭聖慈壽皇太后特簡內德用式宮闈仰遵

睿慈謹昭告

天

地

太廟於順治八年八月十三日冊立科爾沁國卓禮克圖親王吳克善之女為皇后貞順永昭奉尊養之令典敬恭匪懈應天地之同功爰合德於陰陽期錫類於仁孝詔告天下咸使聞知

十一年六月甲戌

冊立科爾沁鎮國公綽爾濟女博爾濟錦氏為

皇后行大婚禮前期

諭禮部諏吉日擬定儀注及

大婚之日

御太和殿閱冊寶宣

制命正副使持節詣

皇后邸行

冊立禮有司具儀駕鹵簿奉迎

皇后升輦入宮大婚禮成次日

上御太和殿文武羣臣上表行慶賀禮賜宴

頒詔天下

詔曰帝王應天顯命洪敷化理必肇自宮壺乃達家國以
訖於萬方即躬備令德恒資內助弼成雍穆故慎簡厥
始用介有終所以承宗廟敦孝養崇化源茂本支也朕
祇纘鴻緒篤敬彝倫

聖母昭聖慈壽恭簡皇太后深惟內治期遴懿淑以襄朕
躬必得賢媛乃正中宮伴儀天下茲欽遵

慈命虔告

天

地

宗廟於順治十一年六月十六日冊立科爾沁鎮國公綽爾濟之女博爾濟錦氏為皇后惟朕躬暨后克迪厥德邦其永孚於休用紹徽我

聖善邇睦宮庭乃錫祉於爾多方丕協熙治布告天下咸使聞知

康熙四年九月辛卯

聖祖仁皇帝大婚

冊立內大臣噶布喇之女赫舍里氏為

皇后前期一日行大徵禮屈日

上御太和殿閱冊寶畢授冊封使臣捧

冊寶至

皇后第宣讀

皇后謝恩行禮畢鑾儀衛陳儀仗車輅鼓樂前導

皇后由大清中門行

御道入中宮

上具禮服詣

太皇太后宮

皇太后宮行禮還宮行合巹禮畢

上陞太和殿賜

皇后親屬及諸王百官筵宴

皇后詣

太皇太后宮筵宴諸王以下免行禮公主王妃以下免會

宴次日

皇后詣

太皇太后

皇太后宮行朝見禮癸巳

御太和殿王以下文武各官上表朝賀

頒詔天下

詔曰帝王承天立極作民父母使四海同倫萬方向化匪獨外治蓋亦內德茂焉故政教弘敷肇先宮壺所以共

承宗廟助隆孝養綿本支睦九族甚鉅典也朕祇纘鴻基篤念倫紀茲者

聖祖母昭聖慈壽恭簡安懿章慶敦惠太皇太后深惟婚禮為天秩之原王化之始遴選賢淑俾佐朕躬正位中宮以母儀天下欽遵

慈命虔告

天

地

宗廟於康熙四年九月初八日冊立內大臣噶布喇之女
赫舍里氏為皇后朕躬暨后允修厥德夙夜敬勤期克
紹於徽音庶俾薄海內外丕協倫常洽被仁恩聿臻上
理布告天下咸使聞知

十六年八月丙寅

冊立妃鈕祜祿氏為

皇后前期遣官祇告

天

地

太廟後殿

聖祖仁皇帝親詣

奉先殿告祭屆日設

節案於

太和殿正中設

冊寶案於左右

上御太和殿閱冊寶王公百官咸朝服按翼序立乃宣

制命正副使持節行

冊立禮正副使至

景運門內監接奉

節

冊寶入宮

皇后受冊寶行禮如儀

行

貴妃

冊封

嬪各

內監出至

景運門以

節授正副使正副使還至後左門復

命

上率王公大臣詣

太皇太后

皇太后宮行禮次日

皇后禮服詣

太皇太后

皇太后宮

皇帝前行禮各如儀公主福晉命婦免隨行禮越三日

上御太和殿王公百官上表行慶賀禮如儀免公主福晉

命婦詣

中宮行禮

頒詔天下

詔曰帝王仰膺

天眷撫育羣生爰溯治理之隆莫不聲自宮闈達於海宇
故必慎選賢媛用資內助承

宗廟之重敦風化之原甚鉅典也朕祇纘丕基篤念倫紀

茲者

聖祖母昭聖慈壽恭簡安懿章慶敦惠溫莊康和仁宣太
皇太后深惟內治攸關特遴淑德作配朕躬正位中宮
母儀天下欽遵

慈命虔告

天

地

宗廟於康熙十六年八月二十二日冊立公遏必隆之女

妃鈕祜祿氏為皇后惟朕躬暨后共勗敬勤克迪厥德
庶其上紹徽音敷宣盛化以貽子孫臣民億萬年無疆
之祉布告天下咸使聞知

二十八年七月癸卯

冊立皇貴妃佟氏為

皇后是日遣官告祭

天

地

太廟行冊立禮

頒詔天下

詔曰帝王受

天明命撫御萬方莫不端本宮闈化行海宇矧承奉宗廟
敦睦本支皆於內助是賴茲者

聖母仁憲恪順誠惠純淑端禧皇太后以坤教不可久虛
壺政必資懿德皇貴妃孝敬性成淑範素著鞠育衆子
備極恩勤宜立為皇后正位中宮母儀天下欽遵

慈命虔告

天

地

宗廟於康熙二十八年七月初九日冊立領侍衛內大臣
舅舅佟國維之女皇貴妃佟氏為皇后尚其聿修令範
益篤教勤仰嗣

徽音永綿福祉肇化原於倫紀溥仁惠於寰區布告中外
咸使聞知

雍正元年十二月丁卯

冊立嫡妃那拉氏為

皇后前期遣官告祭

天

地

太廟

社稷至是日行

冊立禮

御太和殿宣

制命正副使持節將事

皇后受冊寶行禮俱如儀惟慶賀典禮得

旨俟三年後補行次日

頒詔天下

詔曰朕惟乾施坤成迺布和於四序日明月儷並臨照於萬方故王者建邦必正宮庭之位聖人作則先隆冊命之文所以理叙人倫輔修內治也朕丕續鴻基欽承大

業奉

皇妣孝恭仁皇后諭旨以嫡妃那拉氏誕秀高門稟貞華
胄淑恭中度懿範性成孝敬盡於晨昏承顏養志柔嘉
著於宮壺惠下朏躬令德克全徽章允稱宜冊立為皇
后洎

慈闈失恃典禮久稽而宗事聿嚴正名斯亟茲敬遵
慈訓載考舊儀祇告

天

地

太廟

社稷於雍正元年十二月二十二日冊立那拉氏為皇后俾承光於軒耀式正號於長秋大禮既成湛施應溥於戲祉貽璇室宏昭式穀之原福備椒庭廣錫敷恩之典布告天下咸使聞知三年十月庚午

御太和殿王以下文武大臣官員進表補行慶賀

冊立

皇后禮禮畢

御乾清宮

皇后率

妃

嬪行六肅三跪三叩禮次

妃

嬪率公主王妃命婦詣

皇后宮行慶賀禮均如儀

乾隆二年十二月丁亥

冊立嫡妃富察氏為

皇后先是雍正十三年十二月癸未

諭禮部欽奉

皇太后懿旨倫常攸重肇始坤元風化由基恒資內輔禮
昭玉制聿隆禴翟之儀詩首關雎爰啟肅雝之治典至
鉅也皇帝嫡妃富察氏恭淑性成柔嘉素著宮庭視膳
篤敬順以承歡壺掖傳徽昭勤儉而宣敬動符禮度化

治賢慈宜正位於中宮用光襄夫宸極應立為皇后以
崇內治以裕嘉祥欽此朕祇遵

慈命立嫡妃富察氏為皇后應行典禮爾部詳察具奏乾
隆元年二月禮部擬定典禮具奏得

旨冊立皇后典禮著於二十七月後舉行及二年十二
月始行

冊立禮前期遣官告祭

天

地

太廟

社稷至是日

御太和殿宣

制遣使

皇后受

冊寶行禮均如儀次日

上率王公大臣詣

皇太后宮行慶賀禮畢

御太和殿王公百官上表稱賀如儀

皇后率

貴妃

妃

嬪詣

皇太后宮行慶賀禮畢內監請

皇帝御內殿

皇后率

貴妃

妃

嬪行禮畢還宮

貴妃率

妃

嬪及公主王妃命婦詣

皇后宮行禮是日

頒詔天下

詔曰朕惟位明天地乾行與坤順同功治洽家邦壹政
與朝章並肅詩紀睢麟之盛禮隆禴翟之榮所以秩
彝倫而承禋祀也燦乎鉅典炳有成規朕纘紹丕圖
統綏羣服御極之初恭奉

聖母崇慶皇太后懿旨以嫡妃富察氏秀毓華門禮嫺內
則柔慎秉於粹性溫恭著于令儀殫誠敬以事庭闈
孝同孺慕抒恪勤而式禁掖德懋純修和平敷采旨

之仁澣濯比葛覃之儉淑儀咸備景福維新允宜冊
立為皇后時值永懷方切大禮有稽茲當即吉之辰
用定中宮之位祇遵

慈諭載考鴻章謹告

天

地

宗廟

社稷於乾隆二年十二月初四日冊立嫡妃富察氏為

皇后俾得敬承璽紱並佑清寧璇宮之慶典斯彰寰
宇之恩施宜沛於戲日明月儷祥徵泰祉之符蒼舞
衢歌喜協救寧之瑞布告天下咸使聞知

十五年八月壬申

冊立攝六宮事皇貴妃那拉氏為

皇后先是十三年七月癸未

諭大學士等朕躬攬萬幾勤勞宵旰宮闈內政全資孝
賢皇后綜理皇后上侍

慈母皇太后承歡朝夕純孝性成而治事精詳輕重得體
自妃嬪以至宮人無不奉法感恩心悅誠服十餘年
來朕之得以專心國事有餘暇以從容冊府者皇后
之助也茲奉

皇太后懿旨皇后母儀天下猶天地之相成日月之繼照
皇帝春秋鼎盛內治需人嫺貴妃那拉氏係

皇考向日所賜側室妃人亦端莊惠下應效法

聖祖成規即以嫺貴妃那拉氏繼體坤寧予心乃慰即皇

帝心有不忍亦應於皇帝四十歲大慶之先時已過二十七月之期矣舉行吉禮嘉兒嘉婦行禮慈寧始愜予懷也欽此朕以二十餘年伉儷之情恩深誼摯遽行冊立於心實所不忍即過二十七月於心猶以為速但思皇后大事上軫

聖母懷思久而彌篤歲時令節以及定省溫清朕雖率諸妃嬪及諸孫問安左右而中宮虛位必有顧之而愴然者固宜亟承

慈命以慰

聖心且嬪嬙內侍掖庭之奉職待理者甚衆不可散而無
統至王妃命婦等皆有應行典禮久曠不舉亦於禮
制未協冊立既不忍舉行可姑從權制考之明太祖
淑妃李氏寧妃郭氏相繼攝六宮事國朝順治十三
年冊立

皇貴妃

皇曾祖世祖章皇帝陞殿命使翌日頒詔天下典至崇重

今應倣效前規冊命嫺貴妃那拉氏為皇貴妃攝六
宮事於以整肅坤儀上奉

聖母褰助朕躬端模範而迅休祥順成內治有厚望焉至
是年七月壬子奉

諭旨朕恭奉

皇太后懿旨皇貴妃攝六宮事那拉氏孝謹成性德著淑
塗乾隆十三年值孝賢皇后大事內治需賢即諭皇帝
宜敬循

祖制以嫺貴妃那拉氏繼體坤寧皇帝秉禮準情不忍遽
行冊立粵從權制冊命嫺貴妃那拉氏為皇貴妃攝事
六宮閱今二載嬪嬙效職壺政茂修茲逢皇帝四十大
慶所當舉行冊立皇后典禮以愜予懷以符成命欽此
朕惟宮庭為基化之原人倫攸始皇貴妃攝六宮事
那拉氏自

皇考時賜朕為側室妃二十餘年以來持躬淑慎禮教夙
嫺暨乎綜理內政恩洽彤闈用克仰副

皇太后端莊惠下之懿訓允足母儀天下既臻即吉之期
宜正中宮之位敬遵

慈命載考彝章冊命皇貴妃攝六宮事那拉氏為皇后於
以承歡

聖母佐孝養於

萱闈協贊坤儀儲嘉祥於蘭掖所有應行典禮大學士會
同禮部內務府詳議以聞尋大學士等擬定儀注具
奏得

旨報可

冊立之前一日遣官告祭

天

地

太廟

社稷至是日

御殿遣使受

冊寶暨慶賀行禮諸儀均與乾隆二年同

大婚儀凡

大婚之禮

制下禮部偏布諸司供備諏納采大徵奉迎吉日以

聞會工部製金

冊金

寶翰林院撰

制冊文進呈

欽定送內閣恭鐫如儀

詳冊后儀

右詠日鐫冊寶

納采之禮內務府官備文馬十

具鞍轡

甲冑十幣百

布二百以俟將屆期禮部奏請

命尚書一人充納采使內務府總管一人充副使屆日

黎明禮部鴻臚寺官設節案一於

太和殿內正中東西肆內閣官自閣奉

節陳於案退內務府官以龍亭分載甲冑布帛陳于丹

陛上左右陳文馬于丹陛下左右正副使入祗俟

於丹墀東鴻臚寺序班二人立使者之右少後授
節大學士一人立殿東檐下宣制鴻臚寺官一人
立大學士之右少後均朝服西面鳴贊二人朝服
分立殿外東西柱前東西面欽天監官報吉時屈
鳴贊贊齊班序班引使者就丹墀東班拜位立北
面西上贊進少進贊跪叩興行三跪九叩禮興序
班引使者升東階至丹陛北面立鳴贊贊有

制使者跪宣制官進至

殿中門之左西面宣

制曰

皇帝欽奉

皇太后懿旨納某女某氏為后命卿等持節以禮納采宣

畢大學士進

殿左門詣案奉

節由中門闌左出至丹陛以授正使受

節偕副使興前行降中階左內務府官率校尉舁禮物

龍亭隨降衛士牽文馬從御仗前導由

太和中門出詣

皇后邸第

右傳制遣納采

是日后父飭子弟潔掃邸第有司豫設案於廳事
正中南向左右案各一東西向使者持

節至邸將及門下馬后父朝服出迎於大門外道左跪
候過興使者入中門升中階登堂陳

節中案偕副使退就案東西面立龍亭隨入至儀門外
止內務府官奉甲冑布帛入登堂陳於左右各案
衛士以馬入陳於庭左右訖后父升自西階詣中
門外北面跪使者少進西面傳

制納采復位后父聽

制行三跪九叩禮興受諸禮物使者詣案奉

節出副使從后父跪送於大門外如初內務府官皆出
使者乘馬復

命還

節有司

右使者傳制納采

納采禮成有司詣

皇后邸設燕

皇帝特命公主大臣命婦燕后母於內

命內大臣侍衛八旗公侯以下滿漢二品以上官燕后

父於外外燕朝服后父為賓席東上內燕常服后

母為賓席西上序坐行酒三巡如常燕儀

右納采筵宴

次行大徵禮所司備黃金二百兩白金萬兩黃金

茶器一白金茶器二盆二幣千文馬二十

具鞍轡閑

馬二十馱甲二十備

賜后父后母黃金百兩茶器一白金五千兩茶器一盆

一帛五百布千馬六

具鞍轡

甲冑一弓一韃矢一服

朝服各二襲衣各二稱皆冬一夏一貂裘各一帶一備

賜后兄弟及從人服物有差屈日有司陳大徵禮物於

丹陛上陳

賜物於丹陛下禮部奏請

命使傳

制授

節於

太和殿儀如納采使者承

制持

節詣

皇后邸執事官陳禮物於堂陳

賜物於階上陳馱馬於庭中使者傳

制后父聽

制行禮如納采之儀傳

制訖后父降階率子弟詣庭東向

節行三跪九叩禮畢豫往大門外祇候后母率諸婦出

詣庭西向

節行六肅三跪三叩禮畢退使者持

節出后父以下跪送使者復

命還

節退

右大徵

及

大婚前一日遣官各一人祇告

天

地

太廟

奉先殿如常儀

右祇告

屆日行

冊迎禮禮部奏請

命大學士一人充

冊迎使尚書一人副之所司豫疏列內外執事官奏請

命內大臣十人侍衛十人充扈從官

命二品以上命婦四人充前導七人充後扈十人充恭

侍其日內鑾儀衛設

皇太后儀駕鹵簿樂懸於

慈寧宮常次如儀禮部鴻臚寺官設節案冊寶案於

太和殿內設龍亭於內閣門外鑾儀衛陳

法駕鹵簿樂部和聲署陳樂懸各依常次如式又陳

中宮車輅於

太和門階下陳

儀駕鹵簿於

午門外內務府官陳冠服於車輅之南黎明內閣禮

部官自閣奉

金冊

金寶及宣讀

冊文

寶文分設龍亭內禮部侍郎奉

節同詣

太和殿恭陳各案王公文武百官記注糾儀執事各
官朝服陪位冊迎使序立於丹墀東扈從內大臣
侍衛在其後授節大學士宣制鴻臚寺官舉冊寶
案內閣禮部官序立於

殿檐下均朝服欽天監官報吉時居禮部尚書侍郎
詣

乾清門奏時遂前導

駕

皇帝禮服乘輿出宮前引後扈如常儀由

隆宗門至

永康左門降輿入立於

慈寧門外東位西向內監轉奏

皇太后陞

慈寧宮寶座禮部尚書侍郎恭導

皇帝就正中拜位北向行三跪九叩禮畢

皇太后還宮

皇帝自永康左門乘輿仍入

隆宗門由

保和殿北門出

御太和殿

午門鳴鐘鼓作樂鳴鞭序班引正副使就拜位行禮

畢升東階北面跪宣讀官宣

制詞曰

皇帝欽奉

皇太后懿旨納某氏為皇后茲當吉月令辰備物典冊命卿等以禮奉迎宣大學士授

節於正使偕副使興執事官舉

冊寶案隨降中階設龍亭內以次出

太和門

皇帝還宮鳴鞭作樂並如

冊后遣使之儀冊迎使出扈從內大臣侍衛從出至

太和門外冊迎使持

節在前次

冊寶亭次

中宮車輅冠服

儀駕鹵簿遂行詣

皇后邸

右臨軒遣使冊迎

是日步軍統領飭所部清蹕除道自

大清門至於后邸宮殿監督領侍率內監備

交泰殿內外鋪陳恭侍命婦朝服豫詣

殿外祇跪導從命婦贊引侍儀宣讀女官朝服及給

事后邸內監彩服均詣

皇后邸祇跪有司設節案一於邸第內堂正中南設香

案均南向設冊寶案於東西各一東西向設

皇后拜位於香案前北向宣讀女官二人立東案之南

西面侍儀女官四人立拜位左右東西面內監於

外堂階下承應使者持

節至邸下馬后父率子弟朝服出迎於大門外如前儀
使者入升中階立於外堂之東副使在其左均西
面

冊寶亭隨入權設於外堂左右內務府官奉冠服授內
監齋入轉授女官以進

皇后內鑾儀校陳鳳輿於階上正中陳車輅

儀駕鹵簿於階下左右至大門內樂部和聲署陳導迎

樂於大門左右后父升自西階詣外堂中門外正中北面跪使者西面傳

制復位后父聽

制行三跪九叩禮興退至階西內監入轉奏

皇后御禮服贊引女官恭導出閣門外道右俟后母及諸婦朝服詣外堂門內道右正使授

節於內監副使自龍亭奉

冊寶以授內監均奉自中門入后母以下跪候過興

皇后立候過隨入內監奉

節

冊寶陳於各案退贊引女官引

皇后就拜位跪宣讀女官次第宣

冊宣

寶

皇后受

冊受

寶行禮均如宮中

冊立儀內監奉

節出授使者

皇后及母祇送如初贊引導

皇后入閣少憩女官奉

冊寶仍授內監分設於龍亭

右受冊寶

冊禮既成欽天監官報陞興吉時居內鑾儀校進鳳輿

於內堂階下正中南向前導命婦恭導

皇后出閣後扈命婦翼擁降階后母率諸婦送至輿前
皇后陞禮輿后母及諸婦少退冊迎使持

節出乘馬先行后父跪送如初興少退次導迎樂

陳而不作

次

儀駕鹵簿車輅次

冊寶亭次

皇后鳳輿啟行出大門命婦乘騎導從內監步行左右

持輿內大臣侍衛在後乘騎護從由

大清門中門入至金水橋冊迎使下馬持

節入

皇后輿至午門外鳴鐘鼓

儀駕鹵簿止九鳳曲蓋前導執事命婦下馬步行導從

內大臣侍衛於金水橋步從由

午門

太和門中門入

中左門

後左門至

乾清門龍亭止冊迎使復

命還

節偕內大臣侍衛各退內監奉

冊寶於亭前行恭導命婦導

鳳輿入

乾清中門至

乾清宮階下轉啟

皇后降輿詣

交泰殿導從命婦退恭侍命婦祇迎

皇后入中宮內監奉

冊寶授守寶內監退合卺吉時屆宮中設合卺燕監督

領侍具奏

皇帝禮服御中宮行合卺禮給事宮人恭侍命婦皆退

右合卺

翼日尚膳潔具

皇后盥饋

皇太后御席又具

皇太后醴饗

皇后御席內監侍豫設朝見拜位於

慈寧宮內正中北向又設醴位於東西南向質明

皇太后儀駕鹵簿樂懸陳設如常儀內監轉啟

皇后行朝見禮

皇后禮服出中宮乘輿導從如儀詣

慈寧宮降輿引入丹陛上西位東向立內監轉奏

皇太后禮服出內宮中和韶樂作

陞座樂止贊引命婦引

皇后詣正中拜位行六肅三跪三拜禮興少退立尚食
進席於

皇太后前

皇太后舉酒嘗食贊引命婦引

皇后復行二肅一跪一拜禮興引詣醴位坐尚食進席
於

皇后前

皇后舉酒嘗食畢興內監侍徹贊引引詣拜位行禮如
初少退西向立

皇太后降座作樂還宮贊引引

皇后出乘輿還中宮執事命婦皆退

右朝見

越日

皇帝率羣臣詣

皇太后宮行禮乃

御太和殿王公百官上表稱賀

頒詔宣示天下直省文武官各進表箋稱賀

皇后詣

皇太后宮行禮詣

皇帝前行禮公主福晉命婦詣

皇后宮行禮均如

冊后之儀午刻樂部和聲署陳樂懸於

太和殿常次尚膳供

御膳羞光祿寺備燕席

皇帝御太和殿

賜后父及其族屬燕王公百官咸與后父布席於

殿內王公之末其族屬按翼於本旗序品列坐

駕陞寶座時王公以下陪位如常后父率其族屬詣丹

墀東北面行三跪九叩禮畢均引入班就位坐陳
席奏樂行酒如

太和殿筵宴儀

皇太后御慈寧宮

賜后母及其親屬燕公主福晉夫人大臣命婦咸與內
監陳樂懸內務府官供饌具后母布席於夫人之
末其親屬按品布席於命婦之位

皇太后陞寶座時公主以下陪位后母率其親屬詣丹墀

東北面行六肅三跪三拜禮畢均引就位坐陳席
奏樂行酒如

慈寧宮筵宴儀

右禮成慶賀筵宴

冊立

皇后儀凡

冊立之禮

制下禮部尚書一人赴內閣承

制乃諏吉以

聞徧布諸司供備豫期禮部工部官會製

冊

寶於內務府恭送內閣鐫

冊文

寶文內閣大學士學士禮部工部尚書侍郎朝服行禮

如儀

右諏日具冊寶

屆期禮部奏請

命大學士充

冊立使尚書充副使

右命使

前一日遣官各一人祇告

天

地

太廟後殿

奉先殿如常儀

右祇告

至日五鼓所司詣

太和殿內正中設一案南向左右各設一案東西向
設龍亭二於內閣門外鑾儀衛陳

法駕鹵簿仗馬步軍五輅馴象鼓吹常朝象樂部和聲
署陳樂懸各依常次王公文武百官記注糾儀執
事各官朝服陪位如常儀漏未盡工部官以

節送內閣禮部自內閣奉

金冊

金寶及宣讀

冊文

寶文各陳於亭內禮部侍郎奉

節鑾儀校舁亭禮部官十人前引導以繖仗由中路降

升至

太和殿階下亭止導引官皆止內閣禮部官奉

金冊

金寶隨

節升中階入

殿中門陳

節中案陳

冊左案陳

寶右案退鑾儀校迴亭南向質明冊使副使祇俟於丹

墀東鹵簿之南大學士一人立殿東檐下西面宣

制鴻臚寺官一人立大學士後舉冊寶案內閣禮
部官分立東西檐下東西面均朝服欽天監官報
吉時已屆禮部尚書侍郎詣

乾清門奏時遂前導

駕

皇帝禮服乘輿出宮前引後扈如常儀

午門鳴鐘鼓至

太和殿後階降輿入中和韶樂作奏隆平之章

樂辭
與常

朝同後
仿此

皇帝陞座樂止鑾儀衛官贊鳴鞭丹墀內三鳴鞭丹陛
大樂作奏慶平之章鴻臚寺鳴贊官贊齊班序班
引正副使就丹墀東班拜位立北面西上贊進少
進贊跪叩興行三跪九叩禮興樂止序班引正副
使升東階至丹陛北面立鳴贊官贊有

制正副使跪宣制官進至

殿中門之左宣

制曰某年月日冊立某妃某氏為皇后命卿等持節行

禮

如奉
曰欽奉

皇太后懿旨則
皇太后懿旨

宣畢大學士進

殿左門詣中案奉

節由中門闌左出至丹陛以

節授正使正使受

節偕副使興內閣禮部官進

殿左右門舉

冊寶案出中門正使持

節前行副使從以次降中階內閣禮部官奉冊寶設龍亭內鑾儀校舁行導引如初由

太和門出

皇帝賜王公大臣茶如常儀畢

皇帝降座鳴鞭如初中和韶樂奏顯平之章

皇帝還宮樂止王公百官咸退

右臨軒遣使

是日內鑾儀衛陳

儀駕鹵簿於

皇子宫階下及宮門外內監設丹陛樂於

宮門內設節案一於

宮內正中南為香案均南向設冊寶案於東西各一

東西向設

皇后拜位於香案前北向女官四人立拜位左右東西

面宣讀女官二人立東案之南西面宮殿監率內

鑾儀校豫候於

景運門冊使既受

命出由

協和門至

景運門外西面立正使奉

節授內監內監持

節內鑾儀校接昇

冊寶亭至

皇后宮門外亭止內監奉

冊寶詣

皇后宮

皇后具禮服出內宮丹陛樂作贊引女官二人引
皇后迎於宮門內道右候過隨行入宮內監奉
節陳於中案奉

金冊

冊文

金寶

寶文陳於東案退贊引女官引

皇后就拜位北向立樂止贊跪

皇后跪贊宣

冊宣冊女官就案奉宣讀

冊文西面立宣畢授侍右女官跪接贊受

冊女官以

冊奉

皇后

皇后受冊授侍左女官女官跪接奉以興陳於西案次
宣

寶受

寶亦如之樂作

皇后行六肅三跪三拜禮畢少退東向立樂止內監進
至中案奉

節出贊引女官引

皇后送於宮門內道右候過還宮內監奉

節至

景運門授冊使正使持

節副使從詣

後左門復

命

冊立禮成還

節有司各退

右受冊

翼曰

皇帝率羣臣詣

皇太后宮行禮乃

御太和殿受賀如三大節之儀

頒詔宣示天下

皇后詣

皇太后宮行禮詣

皇帝前行禮

貴妃

妃

嬪公主福晉命婦詣

皇后宮行禮均如三大節儀

右禮成朝賀

冊封

皇貴妃儀凡

冊封

皇貴妃

命下禮部諏吉以

聞乃徧布諸司供備先期工部製

冊禮部製

寶均以金送內閣鐫字行禮如儀

右諏日具冊寶

屆期禮部奏請

命正副使各一人正使以大學士尚書充副使以侍郎

內閣學士充

右命使

先一日遣官各一人祇告

太廟後殿

奉先殿如常儀

右祇告

至日五鼓禮部鴻臚寺官設節案於

太和殿正中設冊案於左寶案於右鑾儀衛官設采

亭於內閣門外內閣禮部官奉

節

冊寶出陳於亭內鑾儀校舁行導以繖仗禮部官前引
至

太和殿階下亭止奉

冊寶隨

節以升設於

殿內各案質明大學士一人朝服立節案之東正副

使朝服立丹墀之東均西面欽天監官報吉時已
屆正使由東階升副使從至丹陛左北面跪大學
士詣案奉

節由

殿中門出授正使正使受

節偕副使興所司舉

冊寶案從降中階仍設亭內導引如初以次設

皇貴妃宮

右遣使發冊

是日內鑾儀衛設

皇貴妃儀仗於本宮門外內監設節案香案於宮內
正中設冊寶案於東西正副使既受

命由

協和門至

景運門外正使西面授

節內監內監奉

節昇

冊寶亭至宮門奉

冊寶隨

節詣

皇貴妃宮

皇貴妃禮服出迎於宮門內道右立候過內監奉

節

冊寶陳於各案退引禮女官引

皇貴妃就拜位北面跪女官宣讀

冊文

寶文

皇貴妃恭受

冊寶行六肅三跪三拜禮畢送

節於宮門內道右均如

皇后受冊之儀內監持

節出

景運門授正使正使持

節副使從詣

後左門復

命

冊封禮成還

節有司各退

右受冊

翼日

皇貴妃詣

皇太后宮行六肅三跪三拜禮乃詣

皇帝前行禮次詣

皇后前行禮並如儀

右禮成朝見

冊封

貴妃儀

命下所司供備製

冊寶均以金既訖吉奏請

命使遣官祇告

太廟後殿

奉先殿至日遣使發

冊並如

冊封

皇貴妃之儀是日內鑾儀衛設

貴妃儀仗於本宮門外宣

冊寶受

冊寶及朝見儀與

皇貴妃禮同

冊封

妃儀

命下所司製

冊印均以金奏請

命使祇告

太廟後殿

奉先殿至日遣使發

冊如

冊封

貴妃之儀是日內鑾儀衛設

妃采仗於本宮門外宣

冊印受

冊印及朝見儀俱與

貴妃同

冊封

嬪儀

命下所司製

冊以金奏請

命使

不遣官
祇告

至日發

冊

不設
印案如

冊妃儀是日內鑾儀衛設

嬪采仗於本宮門外設

冊受

冊暨朝見儀均與

妃同

皇朝文獻通考卷一百三十三

欽定四庫全書

皇朝文獻通考卷一百三十四

王禮考

十

冊立

皇太子

冊封附

臣等謹按馬端臨以冊立皇太子儀附見帝系門今載入王禮考古稱建儲為國本史冊所載或以貴恣招僞或因讒間獲咎往往有之蓋古今事勢

不同未可執一而論也我

朝

列聖相承

天眷有德付託得人

聖祖仁皇帝時以理密親王分居嫡長冊建東宮

教誨成全至再至三其後終以罪廢嗣是臣僚有以建儲

請者

特召諸大臣宣諭以為君難為臣不易今欲立皇太子必

能以朕心為心者方可立之豈宜輕舉及

顧命之際以神器授我

世宗憲皇帝天下臣民莫不傾心悅服僉謂

聖祖之深識遠慮高出於從古帝王萬萬也我

皇上生知天縱自冲齡即蒙

聖祖踵愛及

世宗踐阼之初

眷注攸屬

召集諸王大臣密書

諭旨藏之

乾清宮最高之處

神明化裁初古人所未有初不假受冊出閣之虛文也

皇上繼緒以來慎選臣僚授經內廷程課尤密臣等恭

讀

諭旨謂建儲一事如封建井田不可行之近世仰見

睿照高深洞徹時勢實古今所未發又以史冊所載建

立儲貳事蹟有關鑒戒者編輯古今儲貳金鑑一
書垂示久遠煌煌

聖訓具載簡端謹述之卷中以開千禩之惑云

康熙十四年十月丙寅

冊立嫡子允礽為

皇太子前期一日遣官告祭

天

地

太廟

社稷至是日

御太和殿遣輔國公葉伯舒大學士圖海為正使戶部尚

書覺羅勒德洪兵部尚書王熙為副使持節行

冊立禮

上率諸王貝勒貝子公內大臣大學士都統尚書子侍衛

等詣

太皇太后

皇太后宮行禮次日

御太和殿受賀

頒詔天下

詔曰自古帝王繼

天立極撫御寰區必建立元儲懋隆國本以綿祖宗無疆
之休朕纘膺鴻緒夙夜兢兢仰惟

祖宗謨烈昭垂付託至重承祧衍慶端在元良嫡子允礽
日表英奇天資粹美茲恪遵

太皇太后

皇太后慈命載稽典禮俯順輿情謹告

天

地

宗廟

社稷於康熙十四年十二月十三日授允禔以冊寶立
為皇太子正位東宮以重萬年之統以繫四海之心大
典告成洪恩宜沛於戲主器得人益篤靈長之祐綸音

式煥用昭浩蕩之仁布告中外咸使聞知是歲禮部題
定

冊立

皇太子典禮一前期遣官祭告

嶽鎮

海瀆

歷代帝王陵寢

先師闕里

皇帝親視香帛一前期一日遣官各一員告祭

天

地

太廟

社稷

皇帝親視玉帛香祝版是日

皇帝率皇太子親詣

奉先殿行告祭禮一前期一日禮部鴻臚寺官設

節案一於

太和殿內正中設

制冊案一於左旁設寶案一於右旁設

制冊寶綵亭二於丹陛下設

節案一香案一於

皇太子殿門正中設

制冊案一寶案一於殿門左旁是日早設

大駕鹵簿樂懸於

太和殿前王以下文武各官俱朝服於常朝處齊集
內閣禮部堂官將

制冊寶節自內閣捧出由

御道左旁行置

太和殿內各案上鴻臚寺官引諸王各官至

太和殿前王貝勒貝子公等於丹陛上文武各官於

丹墀下排立禮部堂官奏請

皇帝陛殿

皇帝具禮服陞

太和殿

閱冊寶畢作樂

陞座樂止鑾儀衛官贊鳴鞭階下三鳴鞭鴻臚寺官引
正副使於常朝行禮處排立贊禮官贊行三跪九
叩首禮樂作禮畢樂止禮部堂官鴻臚寺官引正
副使至丹陛上立贊禮官贊有制正副使跪宣讀
官宣

制畢大學士於案上捧

節授正使官正使受

節前行禮部官舉

制冊寶案出鴻臚寺官引王等入

殿內坐

賜茶畢還宮正使執

節在前禮部官捧

制冊寶隨後置丹陛下綵亭內正使捧

節授禮部官禮部官一員執

節前引校尉舉亭列御杖二對黃蓋一柄在前至

皇太子殿門置綵亭於

殿門外正副使捧

制冊寶節置黃案上

皇太子在殿門內向

節跪迎正使捧

制冊授

皇太子

皇太子恭受授右旁接

制冊內監副使捧

寶授

皇太子

皇太子恭受授右旁接

寶內監贊禮官贊叩興

皇太子行三跪九叩首禮興內監捧舉進內

皇太子隨後行正副使持

節復

命

若皇太子年幼保姆奉以行禮

禮部堂官奏請

皇帝詣

太皇太后

皇太后宮行禮

皇帝具禮服陞輿王以下內大臣侍衛等官皆隨行至

太皇太后宮門前降輿立門內丹陛東禮部堂官傳令內

監奏請

太皇太后陞座

太皇太后御內殿樂作陞座樂止

皇帝在宮前丹陛上立王以下公以上在門內

丹陛上大臣侍衛在門外丹墀內二等三等侍衛在

宮大門外排立鳴贊官照常處立贊行三跪九叩

首禮樂作禮畢樂止

皇帝就原位立禮部堂官傳該內監奏請

太皇太后還宮樂作入宮樂止

皇帝出詣

皇太后宮行禮與

太皇太后宮行禮同禮畢

皇帝還宮次公主王妃以下大臣命婦以上以次恭詣

太皇太后

皇太后

皇后宮行慶賀禮如常儀次

皇太子以次恭詣

太皇太后

皇太后

皇帝

皇后宮行禮如常儀一次日

皇帝陞太和殿諸王文武各官進表行慶賀禮

頒詔天下如常儀是日和碩親王以下文武各官以上

於

皇太子前進箋行慶賀禮一是日

皇太子詣

武英殿與親王郡王等行禮一直省文武官員於

太皇太后

皇太后

皇帝前進表

皇后

皇太子前進箋慶賀

四十八年三月辛巳以復立

皇太子

頒詔天下前期遣官告祭

天

地

太廟

社稷是日行冊立禮次日

頒詔天下

詔曰朕惟建立儲嗣承奉宗祧國本攸關元良是託信能
飭身澡德敬學勤修行懋著於宮庭論允孚於臣庶申
命主器實協彝章皇太子允初久踐青宮夙標譽望克
殫誠孝篤守恪恭不意忽染迷惑狂易之疾朕深惟

祖宗洪業及萬邦民生所繫至重不得已而有退廢之舉
嗣後漸次體勘當國家有此大事時性生奸惡之徒各
庇邪黨借端構釁朕覺其日後必成亂階遂窮極始末
究其情實因而確得病原悉由鎮魘所致亟加除治盡

滌前疴累月以來朕因諸事憤鬱心神耗損允初朝夕侍朕左右憂形於色藥餌必親寢膳必視惟誠惟謹歷久不渝令德益昭丕基克荷此誠仰賴

上天垂庥

列祖篤祐以默相我國家於有永者也茲特昭告

天

地

宗廟

社稷載稽典禮於康熙四十八年三月初十日授以冊
寶復立為皇太子正位東宮用洽四海之人心茂衍萬
年之歷服聿成慶典宜沛洪恩於戲春陽應律協氣溢
於宮闈海潤流膏恩波遍於寰寓布告中外咸使聞
知

五十三年二月庚戌

諭領侍衛內大臣大學士九卿等趙申儵陳奏皇太子為
國本應行冊立朕自幼讀書凡事留意纖悉無遺況建

儲大事朕豈忘懷但關係甚重有未可輕立者昔立允
初為皇太子時索額圖懷私倡議凡皇太子服御諸物
俱用黃色所定一切儀注幾與朕相似驕縱之漸實由
於此索額圖誠本朝第一罪人也宋仁宗三十年未立
太子我

太祖皇帝並未預立皇太子漢唐以來太子幼冲尚保無
事若太子年長其左右羣小結黨營私鮮有能無事者
人非聖人孰能無過安得有克盡子道如武王者今衆

皇子學問見識不後於人但年俱長成已經分封其所屬人員未有不各庇護其主者即使立之能保將來無事乎且為君難為臣不易古來人君窮兵黷武者有之崇尚佛老者有之任用名法者有之朕御極五十餘年朝乾夕惕上念

祖宗遺緒之重下念臣民仰望之殷乾綱獨斷柔遠能邇體恤臣庶毫無私心當吳三桂叛亂時已失八省勢幾危矣朕灼知滿漢蒙古之心各加任用勵精圖治轉危

為安是以數十年來海寓寧靖今欲立皇太子必能以朕心為心者方可立之豈宜輕舉即臣僚為國為民念茲在茲先憂後樂者實不易得太子之為國本朕豈不知立非其人關係匪輕朕將允初從幼教訓迨後長成變為暴虐無所不為不知忠孝不識廉耻行事乖戾有不可言者推其故皆由瘋狂成疾迷惑所致此疾有二十餘載矣凡人醉後傷人醒時知悔伊似長醉不醒所為過惡身不自知伊之儀表及學問才技俱有可觀今

一至於此非瘋狂而何自廢而復立以來朕尤加意教訓心血耗盡因伊狂疾終不痊愈故又行廢黜孟子云父子之間不責善責善則離離則不祥莫大焉大學云人莫知其子之惡蓋父之於子嚴不可寬亦不可誠為難事如朕方能處置得宜耳爾諸大臣俱各有子凡人幼時猶可教訓及其長成一誘於黨類便各有所為不復能拘制矣立皇太子事未可輕定特召集爾衆大臣明示朕意

雍正元年八月甲子

世宗憲皇帝御乾清宮西煖閣

召總理事務王大臣滿漢文武大臣九卿入面

諭曰我

聖祖仁皇帝為

宗社臣民計慎選於諸子之中命朕繼承統緒於去年十一月十三日倉猝之間一言而定大計薄海內外莫不傾心悅服共享全安之福

聖祖之精神力量默運於事先貫注於事後神聖睿哲高出乎千古帝王之上自能主持若朕則豈能及此也

皇考當日亦曾降

旨於爾諸臣曰朕萬年後必擇一堅固可託之人與爾等作主必令爾等傾心悅服斷不致貽累於爾諸臣也朕自即位以來念

祖宗付託之重

太祖

太宗

世祖創垂大業在於朕躬夙夜兢兢惟恐未克負荷向日朕在藩邸時坦懷接物無猜無疑飲食起居不加防範此身利害聽之於天蓋未任天下之重也今躬膺

聖祖付託神器之重安可怠忽不為長久之慮乎當日

聖祖因二阿哥之事身心憂悴不可殫述今朕諸子尚幼建儲一事必須詳慎此時安可舉行然

聖祖既將大事付託於朕朕身為

宗社之主不得不預為之計今朕特將此事親寫密封藏於匣內置之乾清宮正中

世祖章皇帝御書正大光明匾額之後乃宮中最高之處以備不虞諸王大臣咸宜知之或收藏數十年亦未可定諸王大臣等各竭忠悃輔弼朕躬俾朕成一代之令主朕于爾等亦必保全成就篤厚恩誼豈非家國天下之大慶乎朕意若此諸王大臣其共議之諸王大臣

奏曰

皇上聖慮周詳臣下豈有異議惟當謹遵

聖旨

上曰爾諸臣既同心遵奉諭旨朕心深為慰悅乃命諸臣
退仍留總理事務王大臣將密封錦匣收藏於

乾清宮正大光明匾額後乃出

乾隆元年七月甲午

上御乾清宮西煖閣

召總理事務王大臣九卿等入面

諭曰朕受

皇考付託之重踐阼以來兢兢業業無刻不以敬

天勤民為念宵衣旰食日理萬幾務期海宇乂安庶政咸

理仰副我

皇考付託得人之聖心以綿

宗社無疆之慶朕思

宗社大計莫如建儲一事自古帝王即位首先舉行所以
重國本而定鴻基也朕即位已逾半載而未經降旨

者並非不稽古典而視此事為緩圖良以後世人心
不古往往有因建儲太早以致別生事端者或本人
恃貴驕矜漸至失德或左右逢迎諂媚誘引作非甚
且有奸宄之徒窺視讒構以搖動之是以

皇祖當日于建儲一事大費苦心及授神器于我

皇考時一言而定萬世之業我

皇考御極之元年

聖心即默注朕躬不肯宣布中外而傳集諸王大臣九卿

特加訓諭

親書密旨收藏於乾清宮正大光明匾額之後此我

皇考監古宜今寶愛玉成之妙用也今朕當春秋方盛之時皇子年齒又尚冲幼揆之事勢雖若可緩而國本攸係自以預定為宜再四思維惟有循用

皇考成式親書密旨照前收藏在我

皇考神明化裁創舉于一時而朕繼志述事踵行於今日此乃酌權劑經之道非謂後世子孫皆當奉此以為

法則也將來皇子年齒漸長日就月將識見擴充志氣堅定萬無驕貴引誘之習朕仍應布告天下明正儲貳之位若夫以建儲為嫌忌而不肯舉行者此庸主卑陋之見朕亦深鄙者也今傳集總理事務王大臣九卿等面降此旨非謂諸臣不知朕心必俟朕之諄諄告諭也誠恐天下讀書泥古者以朕不早建儲為疑用是特為宣曉如有拘牽舊制復行奏請者著該衙門將奏章發還今日朕親書密旨著總理事務

王大臣親看宮中總管太監謹收藏于乾清宮正大
光明匾額之後

三年十月辛卯

諭曰二阿哥永璉乃皇后所生朕之嫡子為人聰明貴
重氣宇不凡

皇考命名永璉隱然示以承宗器之意御極後不即冊立
者恐幼年志氣未定恃貴驕矜或左右諂媚逢迎至
于失德甚且有窺伺動搖之者故于乾隆元年七月

初二日遵照

皇考成式親書密旨召諸王大臣面諭收藏于乾清宮正大光明匾之後是雖未冊立朕已命為皇太子矣今於本月十二日偶患寒疾遂致不起深為悲悼一切典禮著照皇太子儀注行元年密藏之諭旨著取出將此曉諭天下知之尋大學士恭擬諡曰

端慧皇太子于十一月甲寅遣官行

冊諡禮

十八年十一月壬子朔

諭會典館總裁官曰詹事乃東宮僚佐儲貳未建其官
原可不設第以翰林叙進之階姑留以備詞臣遷轉
地耳古稱建儲為國本大計朕酌古準今深知於理
勢有所難行載在史冊者姑置弗論即如理密親王
當

皇祖時

聖慈鍾愛初無間言嗣以東宮既建狎昵匪人陷于失德

再致廢黜然其先所置宮僚何嘗非一時之選如湯
斌即所稱當代醇儒然亦何裨萬一盖別立官府則
僚屬多人賢否參雜斷難保其不滋事端夫以

皇祖之包含宏大尚迫于

宗社之重必不可容可見建儲一事亦如封建井田固不
可行之近世也是以

皇考鑒于前事默定

宸衷不事建儲分府惟擇老成宿望大臣如朱軾鄂爾泰

傳敏張廷玉蔡世遠等勸讀內廷

聖謨深遠

慈覆如天朕纘承以來恪遵

家法今皇子等讀書內廷亦惟慎簡師傅俾之薰陶德性
講習經書日有程課其視出閣就傳有名無實者相
去為何如耶夫豫教固所當重實則存乎人此

蒼穹之敷佑

宗社之貽庥景運靈長有非人力所致者矣會典載詹事

官春秋進講虛文縟節甚屬無謂又如皇太子賀箋
論體制當由內閣撰擬乃由詹事頒發此亦前明坊
局閒曹借以招事示權已耳果爾則賀

皇太后

皇后表箋亦當由內務府頒發耶此皆沿襲之謬著該
總裁官改正進呈

四十八年九月戊午奉

上諭朕閱館臣所進職官表志詹事府一門其按語內

稱詹事為東宮官屬我國家萬年垂統家法相承不
事建儲冊立詹事府官員留以備詞臣遷轉之階等
語是書館臣因朕前降諭旨于建儲一事之斷不可
行明切訓示故于按語內特為揭出其實書生拘迂
之見豈能深計及此且使是書留傳後世安知不又
訾議館臣為無奈迎合諭旨非其本懷耶用是不得
不再為明白宣諭夫堯授舜舜授禹唐虞固公天下
禹之傳啟亦非於在位時有建立太子之事三代

以後人心不古秦漢預立太子其後爭奪廢立禍亂相尋不可枚舉遠而唐高祖立建成為太子至於兄弟相殘建成被害近而明神宗朝羣臣奏請預立國本紛紜擾亂大率皆為後來希榮固寵之地甚至宵小乘間伺釁釀為亂階如挺擊等案神宗名見太子泣為慰藉父子之間至于如此閱之真可寒心可知建儲冊立非國家之福召亂起釁多由于此即我

朝而論

皇祖時理密親王亦嘗立為太子且特選公正大臣如湯斌者為之輔導乃既立之後性情乖張即湯斌亦不能有所匡救羣小復從而蠱惑遂致屢生事端上煩

皇祖聖慮終致廢黜且即理密親王章而無過竟承大統亦不過享國二年其長子弘皙縱欲敗度不克幹蠱年亦不永使相繼嗣立不數年間連遭變故豈我大清宗社臣民之福乎是以

皇祖有鑒于茲自理密親王既廢不復建儲迨我

皇祖龍馭上賓傳位

皇考紹登大寶十三年勵精圖治中外肅清

皇考敬法

前徽雖不預立儲位而于宗社大計實早為籌定雍正元

年即

親書朕名緘藏于乾清宮正大光明匾內又另書密封匣

以隨身至雍正十三年八月

皇考升遐朕同爾時大臣等敬謹啟視傳位于朕之

御筆復取出內府緘盒密記核對脗合人心翕然此天下
臣民所共知也朕登極之初恪遵

家法以皇次子乃

孝賢皇后所生嫡子為人端重醇良依

皇考之例曾書其名藏于乾清宮正大光明匾額後乃稟
命不融未幾薨逝遂命大學士鄂爾泰張廷玉將其
名撤出追諡為端慧皇太子是未嘗不立嫡也但不
以明告衆耳嗣後皇七子亦

孝賢皇后所出秉質純粹深愜朕心惜不久亦即悼殤其時朕視皇五子于諸子中覺貴重且漢文滿洲蒙古語馬步射及算法等事並皆嫻習頗屬意于彼而未明言乃復因病旋逝設依書生之見規仿古制繼建元良則朕三十餘年之內國儲凡三易尚復成何事體是以前于癸巳年復書所立皇子之名藏于匣內常以自隨是年

南郊大祀令諸皇子在

壇裏事曾以所定皇子默禱于

上帝若所定之子克承堂構則祈

昊蒼眷佑俾得年命延長倘非

天意所屬則速奪其算朕亦可另為選擇毋悞我國家宗

社生民重寄本年恭詣

盛京祇謁

祖陵亦如告

天之言默祝于

太祖

太宗之前仰祈

靈爽式憑永垂昭鑒朕非不愛子也誠以宗社為重若朕之子孫皆以朕此心為心實大清國億萬斯年之福也今日召對諸皇子及軍機大臣面降此旨即朕前所默告

上帝

祖宗之言豈容有絲毫虛飾耶朕于天下一切庶務無不

宵旰勤求悉心籌畫寧于繼體付託之重轉不早為
定計乎秋間朕于避暑山莊河岸御鎗打鷄鵲失足
落水濕衣其時不特御前王公大臣等聞知俱即趨
至問安即漢軍機大臣亦接踵前赴該處朕仍率伊
等談笑而行並未有因內廷禁地太監等敢于阻止
者設朕起居偶有違和大臣等俱可直詣寢所此皆
由朕平日君臣一體無日不接見諸臣面承諭旨何
至有若前代夜半禁中出片紙之語為杞人之憂乎

總之建儲一事即如井田封建之必不可行朕雖未
有明詔立儲而于

天

祖之前既先為齋心默告實與立儲無異但不似往代覆
轍之務虛名而受實禍耳故現在詹事官屬雖沿舊
制而其實一無職掌祇以備員為翰林陞轉之資耳
因再明切宣諭我子孫其各敬承勿替庶幾億萬年
無疆之休其在斯乎總之此事朕亦不敢必以為是

其有欲遵古禮為建立之事者朕亦不禁至於父子兄弟之間猜疑漸生釀成大禍時當思朕言耳並諭館臣將此旨冠于是編之首俾天下萬世咸知朕意

十月庚子

諭曰朕歷覽前代建儲諸弊及我朝

家法相承於立儲一事之不可行已明降諭旨宣示中外至史冊所載因建立儲貳致釀事端者不可枚舉自當勒成一書以昭殷鑒著皇子等同軍機大臣及上

書房總師傳等將歷代冊立太子事蹟有關鑒戒者採輯成書陸續進呈即著皇孫等之師傳為謄錄書成名為古今儲貳金鑑

十二月壬辰

諭曰朕恭閱康熙三十二年

聖祖實錄禮部奏祭

奉先殿儀注將皇太子拜褥設置檻內

上諭尚書沙穆哈曰皇太子拜褥應設檻外沙穆哈即行

奏請

諭旨記於檔案經

聖祖降旨交部嚴加議處部議革職一事禮臣安設拜褥
未協既經

聖祖面諭已遵奉移設乃沙穆哈胸中即豫存畏忌皇太
子之見奏請

諭旨記檔以為後日卸責地步我

皇祖洞燭其隱將伊革職

皇祖之仁慈大度皇太子維時年幼尚無縱恣事蹟禮臣因關係儲位即心懷顧忌如此厥後日漸失德致遭黜廢夫仁如

聖祖冊立儲貳猶致有理密親王之事設後之人主未能如

聖祖之慈愛明哲而為太子者又不能小心謙謹必致漸生嫌隙鮮有能始終獲保萬全之理可見建儲冊立之斷不可行也在書生拘迂之見必有竊議其非而

後之人不思深慮遠仍踵前轍或啟事端彼時當益
信朕言之早經灼見耳前經朕疊頒諭旨明切曉諭
並令皇子同總師傅軍機大臣編輯古今儲貳金鑑
垂示久遠因恭閱

皇祖實錄禮臣安設拜褥請

旨記檔即此一節益可見朕所慮之不爽並令編入古今
儲貳金鑑卷首

四十九年正月庚子奉

上諭皇長孫綿德前因與革職禮部郎中秦雄褒往來
餽遺書畫革去承襲定郡王嗣後加恩封為公爵綿
德為皇長子定安親王嫡長子係朕長孫設如書生
拘迂之見若明洪武時懿文太子既歿劉三吾建議
謂皇孫世嫡禮宜承統洪武泥于法古遂立建文為
皇太孫其後釀成永樂靖難之變禍亂相尋臣民荼
毒皆劉三吾一言喪邦之所致也朕惟深鑒于歷代
建儲之失是以再三宣諭並令纂輯儲貳金鑑一書

為萬世法戒若如洪武之泥古立儲封建以

祖宗神器之重輕為付託豈我大清宗社萬年之福乎今
念綿德之子奕純新歲可以得子朕慶抱元孫五世
一堂實為古稀盛事自應特沛恩施以衍奕禩雲祚
之慶綿德著加恩晉封固山貝子嗣後宜益加謹飭
常存敬畏以期永承恩澤副朕諄切訓勉之至意此
旨並著入于儲貳金鑑

十二月

上召訓諸皇子大學士軍機大臣諭曰昨和珅福長安
伊齡阿覆審內務府郎中海紹妄斷地畝釀成人命
一案訊出海紹曾于上年十月具稿呈堂內務府大
臣俱經閱畫而原叅摺內未將曾經畫稿之處聲明
實屬迴護請將內務府大臣交部嚴加議處朕以內
務府大臣取巧迴護自應嚴議乃述旨時僅寫餘依
議字樣竟未聲明叙入經朕硃筆添出蓋因六阿哥
兼管內務府欲為之隱諱耳方今綱紀肅清諸皇子

皆謹慎小心奉公守法諸臣亦斷無有畏憚迎合者而因有皇子在內形迹之間猶不免稍存瞻顧此甚非也即朕有錯誤處不容大臣及御史等明言乎即如前代之建儲冊立其流弊不可屈指數朕近閱

皇祖聖祖仁皇帝實錄康熙三十六年八月

上諭內務府總管海喇孫等膳房人花喇額楚哈哈珠子德住茶房人雅頭伊等私在皇太子處行走甚屬悖亂著將花喇德住雅頭處死額楚交與伊父英赫紫園禁

家中一事其時理密親王尚在年幼

皇祖何等英明而膳房人花喇等即敢心存彼此依附覬覦
皇祖洞燭先幾將花喇等正法以示懲創厥後羣小復從
而蠱惑遂致屢生事端上煩

皇祖聖慮終至廢黜自理密親王既廢不復建儲迨我
皇祖傳位

皇考十三年勵精圖治中外肅清及朕繼承洪業五十年
間日理萬幾朝乾夕惕重熙累洽海宇昇平使理密

親王及弘皙父子繼踐尊位不數年間屢遭事故豈
大清宗社臣民之福乎夫以我

皇祖之慈愛明哲猶有理密親王之事設後之人主未能
如

皇祖之仁慈英斷而為太子者又不能小心謙謹必致漸
生嫌隙鮮有能始終獲保萬全之理可見建儲冊立
之斷不可行也又朕偶閱續通志載李林甫構陷太
子瑛一事紀載未明因檢查通鑑輯覽稱明皇惑於

武惠妃之譖欲廢太子瑛張九齡犯顏強諫武惠妃
密使宮奴謂九齡曰有廢必有興若為之援宰相可
長處九齡叱之即以其語奏聞明皇為之動容九齡
實賢臣若明皇能斷應立抵武惠妃之罪乃致九齡
反罷斥李林甫專國阿附宮闈構陷太子卒與鄂光
二王廢黜同日賜死夫以儲位之故構煽交乘致明
皇一日而殺三子天下銜冤足見儲貳一建幻起百
端弟兄既多所猜嫌宵小且從而揣測其懦者獻媚

逢迎以陷于辜其强者設機媒孽以誣其過往往釀成禍變遂致父子之間慈孝兩虧而臣工亦必由此身罹刑憲平心而論其事果有益乎無益乎朕即位之初即默告

上天若蒙

穹蒼眷佑願如

皇祖御極六十年之久不敢復有奢望其時朕年甫二十五歲並未計及六十年當至八十五歲至過五旬萬

壽後始億及此因暇日侍

聖母時面奏及此曾蒙

慈諭皇帝如此勤政愛民天下臣民亦不肯聽皇帝歸

政朕因默念若得

上天嘉佑

聖母壽踰百齡朕即八十五歲亦何敢即言歸政今既始

願不遂追憶斯言實深悲咽朕春秋七十有四距歸

政尚十一年自當仰體

上天愛養億兆董治百官猶日孜孜不敢自暇逸倘蒙

嘉貺將來得歸政頤養親為授受豈非古今稀有之盛事

而朕之心亦可明於天下後世朕辦理天下一切大小庶務無不宵旰勤求悉心籌畫即安置一物亦必期其穩妥寧於繼體付託之重轉不早為詳慎定計是朕非不立儲特不肯效立儲之虛名俾衆人有所窺伺致父子之間有責善則離之不祥爾此正朕維持調護之殷衷

天地

祖宗實鑒朕心若子子孫孫皆能以朕此心為心則我大清億萬年可永承

鴻貺於無疆也總之立儲一事如井田封建之必不可行尚有過之將來書生拘墟之見必有心生竊議且謂今日諸臣有意迎合不知此等陽為國家根本之論而陰實遂其鑽營結納之私即億萬年後朕之子孫有泥古制而慕虛名復為建立之事者亦所不禁但

人心不古如江河日下之勢父子之間必有為小人
構成釁隙復啓事端彼時始信朕言之不爽然悔已
晚矣此事前屢頒訓諭並令皇子及總師傅軍機大
臣等編輯古今儲貳金鑑垂示久遠茲恭閱

皇祖實錄處治膳房人花喇等事用是再行明切申諭並
著補載入古今儲貳金鑑

冊封親王親王世子郡王儀

凡

冊封親王及世子

命下禮工二部製

冊寶皆以金

若嗣封王注名於冊寶世相傳授

預期禮部諏吉奏請

命內大臣散秩大臣一人為使內閣學士翰林院學士
禮部侍郎一人副之屆期鴻臚寺官設案於

太和殿丹陛正中南向王府官備鼓吹一部於長安
門外鑾儀衛設采亭於禮部堂上儀制司官陳

節

冊寶於亭內校尉舁亭由東長安門入至

太和殿階下亭止奉

節升階陳於案封使及執事官朝服竝於丹墀禮部

侍郎升東階就

節案左右封使升東階詣案前北面西上侍郎舉

節西面授正使持

節偕副使降階鑾儀校舁采亭從導以

御仗出

太和中門至長安門外封使及執事官咸乘馬鼓吹
前導詣王邸第是日府屬官預設

節案於堂內正中前設香案均南向左設

冊寶案西向設樂於儀門內設儀仗於庭中封使及王
府第門下馬正使持

節前行副使奉

制冊禮部官奉寶隨行樂作王率所屬官朝服迎於大
門外道右跪候過興隨入樂止正副使奉

節

冊禮部官奉寶由中階升堂各陳於案正副使就案東立宣冊官禮部官立於其後均西面引贊引王升西階就堂內北面立樂作贊行三跪九叩禮興樂止進至香案前跪禮部官詣

冊案展

制冊宣冊官西面宣讀訖以

制冊授正使正使授王王祇受轉授從官從官跪接興

陳於案次宣寶訖以授副使副使授王如受

冊儀封使皆復位立王退立拜位樂作行三跪九叩禮
畢樂止正使奉

節出副使及執事官從王率屬出大門外跪送如初迎
儀封使回還

節有司皆退若

冊封郡王製

冊印皆銀質金飾餘與親王及世子同

冊封郡王長子貝勒貝子儀

凡

冊封郡王長子貝勒貝子

命下工部製

制冊以紙為之前期禮部奏請

命內閣侍讀學士侍讀翰林院侍讀學士侍講學士侍

讀侍講一人為正使禮部郎中員外郎主事一人

副之屈日鴻臚寺官設案於

太和殿階下正中禮部儀制司官奉

節

冊於采亭鑾儀校舁行入至

殿階下陳

節於案陳采亭於案左封使及執事官入蒞丹墀禮

部侍郎就

節案左立封使詣案前北面侍郎舉

節西面授正使正使持

節出鑾儀校舁亭導以

御仗副使及執事從出

太和中門至長安門外乘馬詣府第如封諸王儀是
日府屬官設樂於儀門內設儀仗於庭中長子貝
勒貝子迎

節冊受

冊送

節均如諸王儀

冊封公主儀

凡

冊封公主正使用內大臣散秩大臣副使用禮部滿侍郎內閣滿學士翰林院滿掌院學士劄欽天監擇吉後行文各該衙門移取銜名開列奏請

欽派正副使仍將

冊封儀注奏

聞得

旨行知正副使及公主府行太常寺派宣讀官部派筆
帖式二員前引

凡分別固倫和碩品級應備冠服儀仗俱於指婚後
奏明

凡

冊封公主

命下工部製

冊以金禮部諏吉奏請

命正副使持

節往封如親王之儀是日府屬官豫設

節案於公主府廳事正中前設香案左設

冊案設樂於儀門內設儀仗於庭中封使及府門下馬

正使持

節入采亭從公主禮服率侍女迎於儀門內道右跪候

過興副使奉

冊隨

節升自中階以

節

冊陳於案退就案東立宣冊官禮部官立於其後均西
面侍女引公主由西階升詣堂中北面立樂作行
六肅三跪三叩禮興樂止進至香案前跪禮部官
詣

冊案展

制冊宣讀官西面宣

冊訖正使奉

冊授內監內監跪接授侍女侍女跪授公主公主祇受
仍授侍女陳於案公主興退就拜位行六肅三跪
三叩禮畢樂止正使奉

節出副使及執事官從公主跪送

節於儀門如初迎禮封使回還

節有司皆退

冊封福晉夫人儀

凡親王世子郡王福晉長子貝勒貝子夫人間五
歲禮部彙疏請行

冊封禮

制冊封使各視其夫爵是日鴻臚寺官設案於

太和殿階下禮部奉

節

冊節
視彙封人為數冊於采亭鑾儀校舁入至

殿階下陳

節於案陳亭於案左各府屬官備鼓吹於長安門外封
使及執事官朝服入竢丹墀禮部侍郎率屬立
節案左封使詣案前禮部奉各

節授正使鑾儀校舁亭副使及執事官從出

太和中門至長安門外乘馬鼓吹前導詣各府第福
晉等迎

節冊受

冊送

節均如公主儀

冊封郡主縣主郡君縣君儀

與封福晉夫人同

凡封郡主縣主郡君間五歲禮部彙請遣使往封

均用紙冊

凡親王嫡繼福晉所生女俱封郡主側福晉所生女降二等封郡君親王世子郡王嫡繼福晉所生女俱封縣主側福晉所生女降二等封縣君凡親王郡王妾所生女均不准封郡王長子貝勒嫡夫

人所生長女封郡君其餘俱作為側夫人所生之
女貝子嫡夫人所生長女封縣君其餘俱作為側
夫人所生之女入八分公嫡夫人之長女封鄉君
其餘俱作側夫人所生之女凡貝勒以下准封嫡
出之女一人其餘及側夫人妾所生之女均不准
封凡親王郡王庶出女許字外藩者照公嫡出女
之例請封

凡郡王等有降革者令將原封

冊誥繳回

乾隆十三年三月議准宗室庶女從無受封之例
有許字蒙古者念其遠適外藩格外加恩以示優
禮嗣後本家奏准許婚後報宗人府請

旨交部照例具題

二十七年四月奉

旨凡王公之女請封俱先呈報宗人府再行知禮部

三十七年九月鑲黃旗滿洲都統奏准郡君額駙

明亮奉

旨降為二等侍衛職銜其妻郡君停給俸祿

冊內填寫降級緣由

三十八年正月奉

旨嗣後福晉及多羅格格以上俱稱位其夫人以下概應稱人不得稱位

四十三年四月輔國將軍特通額之次女請封四十六年十月貝子明韶之次女請封俱因長女自

幼病故禮部奏明請

旨給封

四十四年十月誠親王弘暢之四女五女照親王
嫡出女授為郡主品級嗣於四十八年十月彙封
題准弘暢已緣事降為郡王其女應照郡王嫡出
女之例降封縣主品級製給

冊誥授封

皇朝文獻通考卷一百三十四